

IN OBITVM SERENISSIMÆ
PRINCIPIS, ET OMNIVM VIRTVTVM GENERE
CVMVLATISSIMÆ, ANNÆ, DEI GRATIA MAGNÆ
Britanniæ Franciæ & Hybernæ Reginæ, Dominæque suæ longè
gratiosissimæ, *Carmen funebre.*



AD POTENTISSIMVM
SERENISSIMÆ ANNÆ MARITVM,
IACOBVM, Dei gratia Magnæ Britanniæ, Franciæ,
& Hybernæ Regem, Fidei defenforem, &c.

Anus & ANNA in se redit, hic nouus, illa perennis:
Cuius vir pater & frater Rex, Regia proles,
In celo æternos Regina est ANNA per annos.
Floreat illa suis in prole æterna Britannis,
Inque suo vigeat feliciter ANNA IACOBO.
Inclute Rex Britonum veniam da vera loquenti,
IACOBVS caret ANNA, & non caret ANNA IACOBO:
Maxime Rex Regum Regem solare IACOBVM.

AD INVICTISSIMVM
CHRISTIANVM QVARTVM, DEI
gratia Daniæ, Norwegiæ, Gothorum, Van-
dalorumque Regem, &c.

Pondere pressa, suo sub pondere, Palma resurgit:
Marmore pressa soror tua? fertur ad æthera victrix.
Sanguinolenta olim inter Danos atque Britannos
Pugna, nihil potuit: nostro coniuncta IACOBO,
Absque cruore omnes vicit DANA ANNA Britannos,
Æternoque suis coniunxit fœdere Danis.
Orbis, Danorum pacis Britonumque, sit idem
Terminus: & Reges Rex protegat Orbis utrosque.